



Xanana Gusmão: Woodside dada-an investe iha onshore GS ne'e diak liu tan

26 Outubro 2018



Xefi Negociador Principal Fronteira Marítima, Kay Rala Xanana Gusmão, hateten, desizaun kompañia Woodside hodi lakohi investe iha parte onshore ka rai maran, husi dezenvolvimentu gas ne'ebé mai husi Greater Sunrise (GS), sei la fó impaktu ba explorasaun Greater Sunrise.

“Woodside sira dehan lakohi ona?, ida ne'e diak liu tan, mas ha'u seidauk rona ida ne'e, ha'u rona tiha mak ha'u esplika,” resposta badak Kay Rala Xanana Gusmão nian ba jornalista sira, iha Ministériu Finansas Aitarak Laran Dili, Sesta (26/10), hafoin partisipa reuniaun Komite Revizaun Orsamental.

Foin lais ne'e, Australian Financial Review fó sai notisia ida katak, kompañia Woodside laiha interesse atu investe iha parte onshore ka rai maran husi dezenvolvimentu gas ne'ebé mai husi Greater Sunrise.

Desizaun ne'e Woodside foti hafoin Timor-Leste asina akordu ho ConocoPhillips hodi sosa asaun 30% kompañia ne'e investe ona ba esplorasaun Greater Sunrise.

Maibé Xefi Negociador Principal Fronteira Marítima, Kay Rala Xanana Gusmão konsidera, desizaun kompañia Woodside nian ne'e, sei la fó impaktu ba prosesu explorasaun husi Greater Sunrise.

Governu Timor-Leste mós hahú halo ona negosiasaun ho empreza aziátku balun atu bele tama iha konsorsiu ba esplorasaun kampu Greater Sunrise.**cos**